

გამოხმაურება გიორგი მაღაშხიას ლექსების კრებულზე „სულის ამბოხი. ფიქრები ლექსებად. ცხოვრების ფილოსოფია“

რევაზ შენგელია

ეკონომიკურ მეცნიერებათა დოქტორი,
პროფესორი, ჟურნალ „ეკონომიკის“ მთ. რედაქტორი

საყოველთაოდ აღიარებულმა ქართველმა მეცნიერ-ეკონომისტმა, პროფესორმა, ჟურნალ „ეკონომიკის“ სარედაქციო კოლეგიის საპატიო წევრმა გიორგი მაღაშხიამ მრავალი სიახლე შესძინა მსოფლიო მეცნიერებას. მისი ყოველი ნააზრევი გამსჭვალულია ჰუმანიზმით. იგი ყოველთვის კეთილმოსურნეა, თავმდაბალი და მიმტევებელი, სიკეთისთვის მებრძოლი პიროვნებაა. ფასდაუდებელია მისი ფუნდამენტური ნაშრომი „მეტაეკონომიკა-ეკონომიკის ფილოსოფია“, რომლის მსგავსი შედეგური ეკონომიკურ მეცნიერებაში ჯერ არ შექმნილა. არანაკლებ მნიშვნელოვანია მისი წიგნი „სულის ამბოხი“, რომელშიც მხატვრული ფორმით შესძლო გადმოცემა თავისი მეცნიერული აღმოჩენები და სულ სხვა რაკურსით წარმოჩენილიყო საზოგადოებაში როგორც პიროვნება. არ შეიძლება განსაკუთრებით არ დაგამახსოვრდეს წაკითხვის შემდეგ ლექსი „**ეკონომიკის აპოლოგია**“, რომლის მთავარი დედააზრია „ვუშენოთ მყარად მომავალს არა მეფური, არა კლანური, არამედ მხოლოდ ეკონომიკა ადამიანური“. ბატონი გიორგი მაღაშხიას ცალკეულ ლექსებს ზოგიერთი მკითხველი ჟურნალ „ეკონომიკის“ გვერდებიდან ჯერ კიდევ მე-20 საუკუნის 90-ნი წლებიდან იცნობდა, მაგრამ ამ დიდმა ორიგინალური ლექსების კრებულის მოულოდნელმა გამოჩენამ ისეთი შთაბეჭდილება მოახდინა მკითხველებზე თითქოსდა მონმენდილ ცაზე მეხი გავარდაო. დარწმუნებული ვარ ბატონი გიორგი მომავალში კიდევ ბევრ ასეთ მოულოდნელობებს შემოგვთავაზებს.